

UNIVERZITET U SARAJEVU

PEDAGOŠKI FAKULTET SARAJEVO

Na osnovu člana 86. Zakona o visokom obrazovanju – Pečišćeni tekst („Službene novine Kantona Sarajevo“ 22/10), člana 79. i 80. Pravila Pedagoškog fakulteta Sarajevo - Prečišćeni tekst, člana 23. Pravila studiranja za treći (III) ciklus studija na Univerzitetu u Sarajevu, Odluke Senata Univerziteta o saglasnosti na Nastavni plan i program trećeg ciklusa interdisciplinarnog doktorskog studija *Savremeni tokovi predškolskog i osnovnoškolskog odgoja i obrazovanja* na Pedagoškom fakultetu Sarajevo broj: 01-38-3134/12 od 27.12.2012. i broj: 01-38-621/13 od 06.03.2013. godine, Odluke Senata Univerziteta u Sarajevu o saglasnosti za raspisivanje javnog konkursa broj: 01-38-3131/12 od 27.12.2012. i broj: 01-38-939/13 od 03.04.2013. godine, te Saglasnosti Ministarstva za obrazovanje, nauku i mlade Kantona Sarajevo na raspisivanje konkursa broj: 11-05-38-sl./13 od 29.05.2013. godine, Pedagoški fakultet Sarajevo, *objavljuje*

KONKURS

Za upis studenata u TREĆI CIKLUS STUDIJA

INTERDISCIPLINARNI DOKTORSKI STUDIJ
SAVREMENI TOKOVI PREDŠKOLSKOG I OSNOVNOŠKOLSKOG ODGOJA I
OBRAZOVANJA
na Pedagoškom fakultetu Sarajevo u akademskoj 2013/2014.godini

I

Konkurs se raspisuje za upis studenata u treći ciklus studija Interdisciplinarni doktorski studij *Savremeni tokovi predškolskog i osnovnoškolskog odgoja i obrazovanja* za slijedeće oblasti:

MODUL A: Rani odgoj i savremeni problemi razvoja predškolskog odgoja,

MODUL B: Kurikulum savremene škole,

MODUL C: Škola u koncepciji inkluzivnog odgoja i obrazovanja,

MODUL D: Rukovođenje, upravljanje i evaluacija u institucijama odgoja i obrazovanja

MODUL E: Metodike nastavnih predmeta u razrednoj nastavi :

E1: Metodika bosanskog, hrvatskog, srpskog jezika i književnosti

E2: Metodika matematike

E3: Metodika prirode i društva

E4: Metodika muzičke kulture

E5: Metodika likovne kulture

E6: Metodika tehničke kulture

E7: Metodika tjelesne kulture

Studij se organizira u trajanju od tri godine (šest semestara). Kandidati se opredjeljuju za jedan modul. Kandidati koji se opredijele za izborni Modul E vrše izbor samo jedne metodike.

Nakon odbranjene doktorske disertacije u području odabranog modula stječe se naučno zvanje - *doktor odgojnih nauka*. Kandidati koji odbrane doktorsku disertaciju u okviru Modula E stječu naučno zvanje - *doktor odgojnih nauka* – područje odabrane metodike u početnoj nastavi osnovne škole.

Uvjeti za upis na izborne module A, B, C i D:

1. Kandidati koji su završili univerzitetske diplomske studije za stjecanje nastavničkih zvanja, kao i srodnih studija za stjecanje zvanja stručnih saradnika u institucijama odgoja i obrazovanja prema principima Bolonjskog studija (u području pedagogije, psihologije, socijalnog rada, bibliotekarstva, komunikologije, kao i drugih studija u kojima su izučavane pedagoške, sociološke ili psihološke nauke (sa stečenih 300 ECTS bodova).
2. Kandidati koji su završili univerzitetske diplomske studije za stjecanje nastavničkih zvanja, kao i srodnih studija za stjecanje zvanja stručnih saradnika u institucijama odgoja i obrazovanja prema principima predbolonjskog studija (u području pedagogije, psihologije, socijalnog rada, bibliotekarstva, komunikologije, kao i drugih studija u kojima su izučavane pedagoške, sociološke ili psihološke nauke.
3. Kandidati koji su završili odgovarajuće četverogodišnje osnovne studije i dvogodišnje odgovarajuće naučne magistarske studije prema principima predbolonjskog studija.

Uvjeti za upis na izborne module E iz područja metodika nastavnih predmeta u razrednoj nastavi:

1. Kandidati koji su završili univerzitetske diplomske studije odgovarajućeg nastavničkog smjera (prema principima Bolonjskog studija, sa stečenih 300 ECTS bodova) u području društvene, humanističke, prirodno-matematičke i umjetničke grupe predmeta.
2. Kandidati koji su završili univerzitetske diplomske studije odgovarajućeg nastavničkog smjera (prema principima predbolonjskog studija) u području društvene, humanističke, prirodno-matematičke i umjetničke grupe predmeta.
3. Kandidati koji su završili odgovarajuće četverogodišnje osnovne studije i dvogodišnje odgovarajuće naučne magistarske studije prema principima predbolonjskog studija.

Kandidati koji upisuju izborne module A, B, C, D i E mogu biti upisani pod uvjetom da imaju srednju ocjenu diplomskog studija (ili četverogodišnjeg univerzitetskog studija po ranije važećem studijskom programu) iz grupe predmeta relevantnih za opće osnove i izabrane programe doktorskog studija – najmanje 8,00.

Kandidati državljeni Bosne i Hercegovine, kao i strani državljani, koji su obrazovanje stekli izvan Bosne i Hercegovine dostavljaju Rješenje o nostrifikaciji diplome/diploma o prethodno završenom univerzitetskom obrazovanju.

Troškovi finansiranja studija u I godini iznose 6.500,00 KM, u II godini 6.500,00 KM i u III godini 7.000,00 KM (sa odbranom doktorske disertacije).

Kandidati sa završenim odgovarajućim magisterijem nauka oslobođeni su pohađanja studija u I, II i III semestru kao i snošenja troškova u iznosu od 50 % od ukupnog iznosa.

Utvrđeni iznos cijene trogodišnjeg studija kandidati mogu uplaćivati u četiri rate za svaku godinu studija ili u 36 jednakih mjesečnih rata.

Uz prijavu na Konkurs kandidati su obavezni dostaviti slijedeće dokumente:

- Zahtjev za upis;
- Biografiju/bio-bibliografiju;
- Originalnu ili ovjerenu fotokopiju diplome završenog I i II ciklusa studija (za studente koji su završili studij prema Bolonjskom sistemu);

- Originalnu ili ovjerenu fotokopiju diplome o završenom fakultetu, stečenom stupnju magistra nauka, sa uvjerenjem o prosjeku ocjena (za studente koji su završili studij po predbolonjskom sistemu studija);
- Originalnu ili ovjerenu fotokopiju Rješenja o nostrifikaciji diplome za kandidate koji su stekli prethodno obrazovanje izvan Bosne i Hercegovine;
- Uvjerenje o državljanstvu (original ili ovjerena fotokopija);
- Izvod iz matične knjige rođenih (original ili ovjerena fotokopija);

III

Konkurs se raspisuje za upis najmanje 3 kandidata na jednom modulu.

IV

Konkurs ostaje otvoren do 30. septembra 2013. godine.

Prijavu s pratećom dokumentacijom potrebno je dostaviti na adresu: **Pedagoški fakultet Sarajevo, ul. Skenderija 72, 71 000 Sarajevo**, s naznakom: **Prijava za upis na Doktorski studij**.

Obrazac prijave može se preuzeti na Pedagoškom fakultetu Sarajevo, ili s internetske stranice Fakulteta www.pf.unsa.ba.